



**«Destrui quei tempel, ed en treis
dis vegn jeu puspei ad ereger el.»
(Gn 2,19)**

Plaid pastoral per la tiarza dumengia
da Cureisma 2024

Joseph Maria Bonnemain,
uestg da Cuera

Avis per ils texts liturgics :

Lecziuns da la tiarza dumengia da Cureisma, onn B

1. Lecziun: Ex 20,1-17

2. Lecziun: 1 Cor 1,22-25

Evangelii: Gn 2,13-25

Quei plaid pastoral sa vegnir prelegius ni miraus sco messadi da video en tuts survetschs divins la tiarza dumengia da Cureisma, ils 3. da mars 2024.

Per mintga dumengia dil temps da Cureisma vegn tarmess tier ad uras a mintga pleiv in plaid pastoral corrispudent cun il messadi da video.

Ils messadis pastorals vegnan mintagmai gliendisdis suenter mintga dumengia da Cureisma dai liber.

Caras soras, cars frars

Igl evangeli dalla tiarza dumengia da Cureisma finescha uonn cun la constataziun: “Jesus [...] enconuscheva igl intern da mintga carstgaun”. Gie, El e mo El sa, tgei che schabegia en nies cor e tgei che nus purtein en el!

Dapi l’incarnaziun divina en Jesus Cristus ei il liug da Diu sin tiara. Il ver tempel da Diu consista buc ord crappa, mobein ord carn. El ei la Baselgia e Baselgia essan era nus carstgauns ch’essan vegni spindrai dad el. Il mund, igl univers e tuts carstgauns essan il dacasa da Diu. Nossa cardientscha cristiana annunzia, che nus carstgauns ed il mund creau essan en emprema lingia il tempel da Diu. La scaffiziun che Dieus ha confidau a nus carstgauns, ei il tempel da Diu.

La damonda pertuccond la conversiun el temps da Cureisma secloma perquei ed oravontut: Tgei anfla Dieus en miu cor? Anfla el en miu intern in liug d’oraziun, d’engrazieivladad, d’amicezia, d’intimitad e da dialog? Sco a sias uras a Jerusalem, plaيدا il Segner era oz dil tempel da siu tgierp. Quei tempel essan nus.

El vul in dacasa nua che buc il “jeu” regia a moda assoluta. Sulettamein el “nus” essan nus membra dil tgierp da Cristus, Baselgia, liug da Diu el mund e pil

mund. Nus enconuschin fetg bein il plaid dil Segner:
“Quei che vus veis fatg ad in dils pli pigns da mes frars,
veis vus fatg a mi”.

Co mein nus entuorn cul tempel, cul tgierp da Cristus che
nossas soras e nos frars representan? Explotein nus ellas
ed els per far cun ellas ed els fatschentas? Pretendin nus
aults tscheins per la carezia che nus prestein ad els?

Denegrein nus ellas ed els?

Il Segner spetga nus tier nos concarstgauns. Els ein segns
da sia preschientscha el mund. El ei zun engraziaivels per
il pli pign segn da sensitivitat, empatia, carinadad, stema
ed oravontut carezia che nus mussein enviers nies
proxim.

Unius ell’oraziun culs megliers auguris salidel jeu Vus
cordialmein.

+ *Joseph Maria*

Joseph Maria Bonnemain
uestg da Cuera